



UNIVERSITÄTS-
BIBLIOTHEK
PADERBORN

Universitätsbibliothek Paderborn

Metropolis Salisbvr gensis

Continens Fvndationes Et Erectiones Monasteriorvm, Et Ecclesiarum
Collegiatarum, &c. per Boiariam, ac loca quædam vicina

Hund, Wiguleus

Monachii, 1620

Catalogus Praepositorum Monasterij sancti Nicolai extra Patauiam.

urn:nbn:de:hbz:466:1-13578

eultis, queſitis & quærendis manu propria & poteſtatiua ſuper altare ſancti Nicolai iuxta Patav. delegavit, ad ſuſtentationem Canonic. regularium Domino Deo ſervientium ibidem. Hanc ſiquidem liberam traditionem frater ſuus *Chunradus* prædiorum Eccleſiæ ſancti Nicolai circa *Viſam* poſitorum aduocatus eodem anno ratificavit, renunciando penitus iuri ſuo quod in eadem Curia cū fratre ſuo hæreditaria poſſeſſione habuit pro ſalute ſua & remedio ſuorum, progenitorum libera delegatione facta & tranſmiſſa ſuper altare ſancti Nicolai per manum *Richeri* Sacerdotis & Canonici eiufdem Eccleſiæ tunc Cellerarij, ea tamen interpoſita conditione, vt ſi Domino DEO concedente de ſancto ſepulchro, quo tunc iter arripuit, rediret, dictam curiam commutaret cum prædio in omnib. æquivalenti & commodius poſito Canonicis ſupradictis, eadem libertate & pietate filio ſuo *Chunrado* tunc infanti, ſi eum non redire contingeret reſeruata. Tali vtique remedio per prædictum *Chunradum* piè prouiſo, videlicet, vt nec ipſe nec aliquis hæredum ſuorum iure aduocatiæ aliquid ſeruitij, vel cuiuſcunq; exactiõnis ab eadem Curia præſumat vllatenus extorquere, imò ad ſalutem eorum, qui eam libera traditione contulerunt, de retributionis incuitu libere defendatur. Acta, ſunt hæc anno incarnat. Dominicæ M. CC. XVII. indiſiõne V. prius per *VVernhardum* de *Morpach*, apud ſanctum *Nicolaum* iuxta Pat. Idus Aprilis ſub hiſt. *Vlrico* de *Nordirnpach*, *Engelberto* fratre ſuo, *Herberto* ibidem de familia ſancti Nicolai, *Henrico*, *VValthero*, *Sybotone*, *Henrico*, piſtore, *Henrico*, *Chrenone* & ſeruis Domini *VVernhardi*, *Henrico* & *Henrico* & alij quam plures. Teſtes ſecundæ traditionis per *Chunradum* de *Horbach*, V. Idus Iulij in *Danburck* eodem anno factæ, *Abramus* liber de *Hals*, *Albertus* de *Leubrantſkirchen*, *Geroldus* de *Satilarn*, *Chunr.* *Fruver*, *Erchingen* de *Aipach*, *Dietmarus* de *Ege*, *Vlricus* *Rudmil* qui & nūtiũ ſapedictæ Eccleſiæ miſit in corporalem eiufdem prædij poſſeſſionem. *Meingotus* de *Alerſperge*, *Karolus* Iudex ſub *Chunrado* de *Horbach*, *Sigebobus* de familia Eccleſiæ ſancti Nicolai, *Chunr.* *Faber* de *Pazireichſtorff*, *Ebervvinnus* de *Plaedlinger* & alij quam plures. Hæc ſiquidem traditio de bona voluntate *Chunradi* de *Hoibach* per *Rapotonem* tunc Palatinum *Bauaria* in ſolenni plácito ſuo quod habuit in *Chirſtorff*, pridie Idus Iulij publicata fuerit, & hi teſtes, *Palatinus* *Rapoto*, *VValchimus* liber de *Roteneck*, *Abramus* de *Hals*, & frater eius *Albertus*, *Henricus* de *Paungarten*, *VVeigandus* de *Runting*, *Perchtoldus* de *Wengen*, *Vlricus* de *Lubolfingen*, *Vlricus* *Rudmil*, *Meingotus* de *Algerſperge* & alij quam plures.

Catalogus Præpoſitorum Monasterij ſancti

Nicolai extra Pataviam.

LVDGERVS vir ſanctitate & doctrina clarus, præfuit an. 17. menſ. 3. ob. VI. Id. Iun. an. 1080.

ENGELBERTVS huius Monasterij profeſſus & antiſtes vigilantis. ſedit an. 23. dies 6. obiit ipſo feſto S. *Jacobi* Apoſtoli. an. 1103.

RICHERVS Profeſſus & ipſe huius Monasterij, multum profuit verbo & exemplo, præf. an. 19. mortuus XV. Cal. Dec. an. 1122.

VDALRICVS profeſſus, eligitur in Præpoſitũ Dominica Iubilate, fidelis fuit diſpenſator, vix. an. 17. ob. VII. Cal. Mart. an. 1139.

BERNARDVS Profeſſus & Præpoſitus huius loci, præf. an. 20. & ob aduerſam valetudinem reſignauit, mor. V. Id. Iunij, an. 1159.

MEIN.

MEINHARDVS professus & præsul huius Ecclesiæ dignissimus, piam ac laudabilem duxit vitam: ann. 8. mens. 2. præfuit; & in multis res monasterij auxit. Ob. XV. Cal. Sept. an. 1167.

SIBOTHO fidelis huius loci Antistes & professus cum an. 9. mens. 4. laudabiliter duxisset in Domino mortuus est ipso festo S. Catharinæ, an. 1176.

ALBERTVS & ipse professus monasterij vir admodum religiosus, & singularis amator fratrum Conuentualium, vix. an. 13. dies 7. fidelis fuit Oeconomus, & bona Monasterij plurimum auxit. Mor. XVIII. Cal. Mart. an. 1189.

ENGELMARVS natione *Bauarus*, huius Cœnobij antistes & professus, vir doctrina & pietate insignis, pie clausit vitam XVI. Cal. April. an. 1205.

HEIMO professus huius monasterij adhuc puer sacrum institutum Canonice Regul. S. *Augustini* accepit, in quo laudabiliter diuturnam duxit vitam; cum verò 7. an. Præpositus fuisset, non sine laude ex hac vita ad cælestem migravit, Idib. Iulij, an. 1212.

HENRICVS vir nobilis & Canonicus *Salisburgen*. XVI. Cal. Iulij, an. 1212. Præpositus huius monasterij designatus est, dispensando fidelis; viuendo exemplaris, distribuendo liberalis, & corrigendo sedulus fuit. præf. an. 4. m. 5. Ob. VI. Cal. Aug. an. 1215.

CONRADVS, professus monasterij, in oratione & religiosorum exercitiis sedulus, in dispensatione fidelis, præfuit an. 3. m. 2. mortuus est prid. Non. Maij, an. 1219.

BERNARDVS professus Monasterij, virtutum pastoralium laude & misericordia in pauperes insignis, post multos exantlatos labores moritur Cal. Aug. an. 1223.

VDALRICVS natione *Sueuus*, Professus Monasterij magnæ autoritatis & vitæ bonæ vir fuit, multaque bona huic Ecclesiæ præstitit; vitâ functus VIII. Id. April. an. 1229.

HENRICVS huius Cœnobij antistes admodum vigilans, vir solidæ doctrinæ & pietatis, cum pastoralis officio an. 12. functus fuisset, diem Ob. prid. IX. Aug. an. 1250.

GERBOTHO professus & Pater huius Cœnobij, vir religiosus & optimus Oeconomus fuit, maximaque sedulitate & discretione præf. an. 6. m. 3. d. 11. ob. verò VIII. Cal. Maij, an. 1256.

LEOPOLDVS natione *Francus*, professus huius monasterij eligitur. Præpos. Id. Iunij, an. 1256. quo officio an. 7. d. 5. non sine laude functus est; migravit ad alteram vitam Non. Febr. an. 1263.

CONRADVS monasterij professus, cum sedes an. 11. & d. 15. vacasset, ac monasterium per malam administrationem secularium ære alieno valde oneratum esset, electus præfuit an. 19. mortuus XIV. Cal. Martij an. 1293.

VDALRICVS monasterij professus Præpositus fit ipsa Dominica Iubilate an. 1303. & confirmatur: sed podagra & aliis morbis quotidie vexatus, non potuit officio suo præesse, breui vita functus, nimirum VII. Cal. Maij, an. 1305.

WOLFHARDVS *Eberlein de Wert ex Bavarin*, annos 20. præfuit Præsul vnanimi fratrum voce electus, & confirmatus. Vir fuit solidæ doctrinæ & pietatis, functus munere an. 26. moritur Id. Aug. an. 1331.

WERNHERVS de *Lampolding* professus huius monasterij, designatur. Præpositus XV. Cal. Septembr. ann. 1331. eodemque die confirmatur. misericordissimus fuit in pauperes, præsertim in iuuenes, qui liberalib. disciplinis dediti fuerunt: vitam cum morte commutauit prid. Cal. Martij, an. 1348.

FRIDERICVS profess. Monasterij electus & confirmatus fuit ipso festo SS. Apostolorum *Petri & Pauli*, an. 1348. bona monasterij plurimum auxit: pref. an. 17. d. 9. ob. Idib. Nouembr. an. 1365.

OTTO professus præficitur V. Id. Nouembr. an. 1365. vixit an. 17. obiit plenus dierum IV. Id. Ianuar. an. 1382.

VRBANVS & ipse Professus Monasterij designatur Præpositus XV. Cal. Iulij, an. 1382. qui in temporalibus & spiritualibus administrandis optimè se gessit. Ob. XVIII. Cal. Iulij, an. 1388.

PHILIPPVS professus, Præposituræ dignitatem est assecutus III. Non. Martij, an. 1388. Omnes monasterij parochias reformauit, & in integrum restituit: aliaque multa bona præstitit. Obiit Non. Dec. an. 1389.

HERTWICVS *Lenzenrieder* huius loci professus in Præpositum eligitur III. Id. Septembr. an. 1389. & præfuit an. 13. Ob. XVI. Cal. Iunij, an. 1400.

MARTINVS ex professio monasterij Præpositus eligitur; vir bonus & religiosus, nec non optimus Oeconomus; vixit an. 20. dies 5. Ob. VII. Cal. Dec. an. 1421.

CAROLVS professus monasterij VI. Id. Iul. designatur Præpositus, quo officio diligenter fungens an. 3. d. 7. moritur VII. Cal. Dec. an. 1424.

IOANNES *Strubinger* profess. & Præpositus huius monasterij Sacella S. Spiritus & B. Virginis Mariæ extruxit, ac bona Cœnobij in multis auxit: mortuus est V. Cal. Aug. an. 1451.

IOANNES *Wolf* Antistes huius Cœnobij & professus 15. an. d. 4. Ob. VI. Cal. Ian. an. 1466.

IOANNES *Hächinger* profess. huius Eccles. administrauit eam 5. an. d. 8. iterum non confirmatus resignauit V. Id. Martij an. 1471.

LEONARDVS *Kalauner de Leggenfeld Austriacus*, artium M. & Professus in *Tiernstein*, postulatus & confirmatus in Præpositum huius Ecclesie præfuit an. 10. m. 2. Ob. IV. Id. Febr. an. 1489.

STEPHANVS *Hager de Egkenfeld Banarus*, huius loci Præsul eiusdemq; professus fuit an. 17. d. 24. ob malam vitam & dispensationem depositus, Id. Apr. an. 1506.

GEORGIUS *Mair* in hoc loco natus & professus, in Præpositum electus & confirmatus est VI. Cal. April. an. 1506. vixit an. 9. d. 11. Ob. VI. Id. Aug. an. 1515.

MICHAEL huius Cœnobij Præpositus eiusdemque professus, vir magnæ authoritatis & præcipuus amator fratrum conuentualium, rexit an. 4. vitæ functus VI. Id. Aug. an. 1519.

SIGISMVNDVS *Reilacher*, præfuit an. 20. m. 6. Ob. an. 1539.

VALENTINVS *Göttinger* huius Cœnobij professus electus est in Præfulem XI. Cal. Ian. an. 1540. eodemque confirmatus; præfuit an. 7. d. 28. vitam clausit Idib. Febr. an. 1547.

THOMAS, professus & Præpositus huius Ecclesie, malè vixit & pessimè res monasterij administrauit: tandemque VI. Cal. April. an. 1560. sex Apostolos argenteos ex templo clam rapiens, in *Austriam* secum absportauit vbi hæreticus vixit, & infelicitè mortuus est an. 1560.

MATTHIAS *Weyl* huius Monasterij professus, cum secularis quidam per aliquot annos temporalia magis ad suam quam monasterij vtilitatem administraffet, designatus est Præpositus; vixit an. 17. & ob aduersam valetudinem resignauit. Ob. XI. Cal. Mart. an. 1569.

AVGVSTINVS *Arnold Sueuus* professus in *Polling*, postulatus est in Præpositum

positum huius Ecclesiæ; sedulus fuit & diligens in administratione: præfuit an. 13. mens. 2. Ob. VIII. Id. Sept. an. 1577.

HIEREMIAS *Kirchmair Bavarus* huius loci Professor & Præpositus, vir religiosus & optimus Oeconomus, rexit an. 8. m. 3. d. 4. Ob. XIV. Cal. April. an. 1585.

ABRAHAMVS *Anzengruber Austriacus*, huius Ecclesiæ professor, electus est in Præpositum IX. Cal. Maij, an. 1585. sed post septennium demum confirmatus est. præf. an. 14. m. 3. d. 11. rebus neque suis, nec Monasterij benè consuluit, quemadmodum euentus probauit.

MICHAEL *Hererius Bavarus*, artium Magister & professor in *Bamburg*, postulatus est in Præpositum huius Monasterij; mansit an. 3. m. 7. d. 26. & iterum resignauit anno 1603.

**NIDERBURG MONASTERIUM MONIALIUM
NOBILIUM IN PASSAUV.**

VTILO Dux iuxta Danubium Patauię Nidroburgium Monasterium construxit, dedicauit S. Pirminius, Meten. Episcopus, Virgines incolunt, circa Annum 739. Auent. fol. 291.

OTTO secundus Imperator hanc Abbatiam sui juris constructam & dedicatam in honore S. Dei genitricis, vnà cum Walachunestorf, cæterisque omnibus pertinentiis, Pilgrino Patauię. Præfuli, ob constantem ipsius fidem, Imperatori in perturbatione Boiariorum, scilicet in rebellionem fratruelis sui Henrici Hezilonis, Ducis Bauarię, præstitam, ac damna hinc passa, remunerationis ergò, perpetuò ac penitus donat ac tradit, precibus dilectissimi fratruelis Ottonis, Ducis Boiariorum, atque Wilhgisi Archiepiscopi scilicet Moguntinensis, Anno Domini 976, Extat diploma ibi, de quo apud Patauienses Episcopos sub Pilgrino.

HEINRICVS sanctus tum Rom. Rex, ob preces conjugis Kunegundę & dilectissimi Ducis Hezelini, & in obsequium deuorum Heilke, diuę genitricis Ecclesię dat partem syluę Nortvvald, in Comitatu Adalberonis à fonte flumine Vlza vsq; ad terminum syluę huius, vbi separat Bohemiam & Bauariam & decursum Vlçę & Rotilę vsque in Danubium. Datum 13. Calend. Maij Anno 1010. Guntherius Cancellarius vice Wilhgisi Archiepiscopi &c, Regane-spurch, Extat diploma.

SEPULTA est ibi in porticu prædicta Heilka cum hac inscriptione: Anno 1020. in die S. Tecklę virginis, obiit Heilka, amita S. Hein. Imper. prima Abbatisa huius Monasterij. Ibidem Anno 1095. Non. Maij obiit Gysala, S. Henrici Imperatoris soror, vxor Stephani, Regis Vngarię, Abbatisa secunda huius loci, hic sepulta aditox dextro latere, quę tam viro quàm filio orbata Patauiam in hoc Monasterium venit, in quo primum habitum monasticum assumpsit, paulò post Abbatisa designata, Monasterium præclare illustrauit & auxit.

IBIDEM in templo sepultus est Gregorius Episcopus, qui ex Oriente in Batauorum urbem venit, ex Vngaria scilicet, vbi Eremiticam duxit vitam.

ADDITIONES.

EX libro M. S. Decani Patauiensis anonymi: qui videtur fuisse Burckhardus cognomento Krebs ex Herrnbergâ Würrenbergensis Ducatus oppido natus; qui anno 1438. Decanatu Patauiensi præfuit; obiitque anno 1462. sicque tempore Friderici III. Imp. Austriaci vixit. Ait enim plerisque in locis dicti sui libri membranacei, se cum Friderico III. Imperatore Austriaco Neapoli fuisse: Lacum Alemannum seu Gebennensem cum ipso non absque periculo vitę transiisse: